

გუბერნატორი მიქელწყაროსა და ალაიანის მაცხოვრებლებს შეხვდა

20 ოქტომბერი 2016

შიდა ქართლის მხარის გუბერნატორის მოვალეობის შემსრულებელი იოსებ ოქრომელიძე კასპის მინიციპალიტეტის გამგებელთან, გოჩა გოჩიტაშვილთან ერთად სოფლების, მიქელწყაროსა და ალაიანის მაცხოვრებლებს შეხვდა და მათგან განხორციელებული პროექტების შესახებ მიიღო ინფორმაცია. ადგილობრივების თქმით აღნიშნულ სოფლებში ჩატარებულმა გაზიფიცირებისა და გამრიცხველიანების სამუშაოებმა მნიშვნელოვნად გააუმჯობესა მათი ყოველდღიური ცხოვრება. მხარის რწმუნებული არსებული ვითარებითაც დაინტერესდა, რომლის შესახებაც მაცხოვრებლებისგან ასევე ამომწურავი ინფორმაცია მიიღო. საუბრისას წამოიჭრა სოფლებში არსებული რამდენიმე პრობლემა, რომლებიც გუბერნატორის თქმით უმოკლეს ვადებში ეტაპობრივად იქნება მოგვარებული.

„მოსახლებასთან პირდაპირი კომუნიკაცია მნიშვნელოვანია, ამით საშუალება ეძლევათ როგორც მათ, ისე ჩვენ და ადგილობრივ ხელისუფლებას, ერთობლივად მოვახდინოთ საჭიროებების დადგენა და განვსაზღვროთ მათი გადანყვეტის ეტაპები. მნიშვნელოვანია, რომ თითოეული დახარჯული თეთრი მოსახლეების კეთილდღეობაზე აისახოს და მათი მოთხოვნისამებრ განიკარგოს. იმასაც ავლნიშნავ, რომ ძალიან საჭირო და მნიშვნელოვანია მოსახლეობის ჩართულობა ამ პროცესში“. - აღნიშნა გუბერნატორმა. სოფლების მოსახლეობა გუბერნატორის მოვალეობის შემსრულებელს და მუნიციპალიტეტის გამგებელს, სოფლებთან დაკავშირებული საკითხების ირგვლივ თანამშრომლობას დაპირდა.